

Stækkun álversins í Straumsvík

Samningur ríkisstjórnarinnar við Alusuisse-Lonza um stækkun álversins í Straumsvík felur m.a. í sér eftirfarandi:

- * Framleiðslugeta álversins verður aukin um 62.000 tonn á ári - er nú rúmlega 100.000.
- * Byggður verður þriðji kerskálinn á milli skála 2 og Reykjanesbrautar, reistar tvær nýjar vöruskemmur og aukið við hafnaraðstöðu, byggð hreinsistöð, steypuskáli stækkaður og byggt við tengivirkir. Stefnt er að því að nýi kerskálinn og önnur tengd aðstaða verði fullbyggð innan tveggja ára og að rekstur kerskálans hefjist á síðasta ársfjórðungi 1997.
- * Orkuþörf nýja kerskálans verður um 947 GWst á ári og aflþörfin um 110 MW. Til samanburðar má geta þess, að heildarraforkusala Landsvirkjunar árið 1994 nam um 4.250 GWst.
- * Öll umframorka í raforkukerfi Landsvirkjunar fullnýtist strax við aukinn rekstur álversins. Auk þess verður ráðist í eftirfarandi framkvæmdir: Stækkun Blöndulóns, 5. áfanga Kvíslaveitu og 35 MW aflaukningu í núverandi Búrfellsstöð, auk þess sem settir verða upp raðþéttar í háspennulínur.
- * Ársverk vegna allra þessara framkvæmda verða alls um 750 - 800, flest á öðrum ársfjórðungi 1997, eða um 400. Ársverk vegna framkvæmda Landsvirkjunar eru áætluð um 440 allt til aldamóta, þar af um 260 á næstu tveimur árum.
- * Kostnaður vegna stækkunar álversins og hafnaraðstöðu í Straumsvík er áætlaður um 14 milljarðar króna, og kostnaður vegna framkvæmda Landsvirkjunar um 2.5 milljarðar eða samtals 16.5 milljarðar.
- * Starfsmenn ÍSAL eru nú um 430. Á lokastigi stækkunar, eða að vori 1997, verða ráðnir 72 starfsmenn til viðbótar. Að öllum þessum framkvæmdum og fjárfestingum loknum hafa sem sagt orðið til 72 varanleg störf í álverinu, en að sjálfsögðu hefur slíkt alltaf einhver margfeldisáhrif. Þess má svo geta, að stefnt er að fjölgun kvenna í starfsliði álversins og að þær verði "fleiri en fimm tungur starfsmanna", svo vitnað sé til orða forstjóra ÍSAL.

Sjá afstöðu þingfloks Kvennalistans hins vegar á blaðinu.

Við umsjöllun um þetta mál hefur þingflokkur Kvennalistans lagt áherslu á eftirsarandi:

- * Allar þessar framkvæmdir og síðan rekstur hafa mikil umhversfisáhrif. Fara ber að ýtrastu kröfum um varnir gegn mengun, hvort sem um er að ræða mengun lofts, lands eða sjávar. Aðeins það besta er nógu gott, því fátt er jafn mikilvægt fyrir þróun mannlífs og atvinnulífs í landinu og að halda umhverfinu svo hreinu sem frekast er unnt.
- * Umhverfisráðherra hefur þegar gefið út starfsleyfi, byggt á tillögu Hollstuverndar ríkisins. Kvennalistinn hefur gert alvarlegar athugasemdir við starfsleyfið á eftirsarandi forsendum:
Leyfilegt magn mengunarefna í útblásturslofti frá kerskálum er allt að 1.2 kg/t af heildarflúoríði, 1.5 kg/t af ryki og 21 kg/t af brennisteinstvíoxíði. Að undanskildu rykmagni eru þessi mörk miklu hærri en krafist er í Noregi og víðar. Í Noregi eru mörkin í nýjum og endumýjuðum álverum 0.4 kg/t af flúoríði og 2.0 kg/t af brennisteinstvíoxíði. Í starfsleyfinu er ekki gerð krafa um vothreinsibúnað, sem er nauðsynlegur til að minnka mengun af völdum brennisteinstvíoxíðs, auk þess sem slíkur búnaður mundi auka hreinsun flúoríðsambanda í útblæstri frá kerskálum.
- * Stækkun álversins, að ekki sé talað um fjölgun álvera, eykur vægi álframleiðslu og álsolu í atvinnu- og efnahagslífi þjóðarinnar. Álverið verður nú kaupandi að meira en fjórðungi allrar raforku frá Landsvirkjun. Orkuverðið verður bundið álverðinu og orkusalan þar með háð sveiflum í álverði. Þannig verður þjóðarbúið verulega háð sveiflum, ekki aðeins í sjávarútvegi, heldur einnig í álvinnslu.

Ef þið óskið frekari upplýsinga eða viljið koma athugasemdum á framfæri, þá eru flest gögn í vörsu undirritaðrar, sem situr í umhverfisnefnd Alþingis og er áheyrnaraðili í iðnaðarmefnd.



Kristín Halldórsdóttir.